

اداره مخصوصه

درسعادته باب عالی جاده سنده

محل اداره :

مسئله ترقی

۱۳۲۶

اخطار :

مسئله ترقی موافق آثار جدیده مع المنوین

قبول اولیور

درج ابدلیت آثار اعاده اولیور

دین ، فلسفه ، ادبیات ، حقوق و علوم دین باحث هفته لاق رساله در

مؤسسه : ابوالعلا زین العابدین - ح . اشرف ادیب

درسعادته نسخه سی ۵۰ باره در

قیراه دن مقوا بورو ایله کوندریلیرسه سنوی
۲۰ غروش فضله آلیر

تاریخ تأسیسی

۱۰ تموز ۳۲۴

سنه لکی

۶۰

۸۰

۸۰

درسعادته

ولایتده

مالک اجنبیه ده

درسعادته پوسته ایله کوندریلیرسه ولایات بدلی اخذ اولور

عدد : ۴۸

۱۹ رجب ۳۲۷ پنجشنبه ۲۳ تموز ۳۲۵

ایکنجی جلد

ترقیات اسلامیة قونفره سی

سیاسیاته عائد هیج بر شینی مذاکره ایتمه مک ومذاکراتی اسلام
مارک امور اجتماعی و اقتصادی ده ترقیلرینه منحصر اولمق اوزره
۲۹ صفر ۱۳۲۹ تاریخنده مصرده جامع الازهر شینی شیخ سلیم
البشری افندی نیک ریاستی آلتنده بر قونفره عقد اولنسه جقدر .
بوقونفره مک ترتیباتیه اشتغال ایدن هیئت طرفندن چار اقطار عالمده کی
مشاهیر علمای اسلامییه بر ردعوتنامه کوندرلش وقونفره یه کله جک
علمای بنامک تاریخ اجتماعدن اوج آی اول تحریر آ بیسان ایتلری
لزومی علاوه در میان ایدلشدیر .

(طنین) رفیق مزدن بالایه نقل اولنان بوقفره مخصوصه بزه شو
تشبک صفحات اولینی خاطر لاتیور . مجاهد محترم اسماعیل بک
غصبر نسکی شوامل مبرور ایله میدان مجاهده یه آتیلدینی زمان افکارینی
کال سربستی ایله انیان ایدم بیله جک بر محیط آرایوردی . اوصرم لرده
ملکیتی اولان روسیه شدائد استبداد ایله قاورولور ، دارالخلافه
ایسه هر درلو اثر حیادت محروم بولونیوردی . هناء چین ، جزائرده
وقوع بوله جق تشبکلی نتایج سریعه استحصالی خصوصنده امید
بخش کوره میوردی . نهایت مصری ، بشریتک اودار قدیم عرفاتی
بوفکر علوی نیک تمییه سینه مساعد بولدی . وفطرتک بواقلمه بخش
ایلمش اولدینی فیضدن شو فکر ترقینت دخی نصیبه دار اوله جقی
جزم ایتدی . وفی الحقیقه بتون صمیمیتله کشاده دوران او آغوش
نوازشده خلیجه آثار شفقت کوردی . مشارالیه بورالیرنی (مسلمان
قونفره سی) نامنده کی اثرنده تصویر و حکایه ایامشدر .

شو وسیله ایله تبرکاً اثر مذکورک مقدمه سنی وبوبابده سبق ایدن

مساعیلرینی مصور اولان فقراتی عیناً نقل ایله لوازم شکر کذارینی
ایضا ایدیورز . مصرده ایراد بیسوردقلری قونفرانس ده ۲۴ نجی
نومرولی نسخه مزده مندر جدر .

..

« ربع عصر دن برو روسیه مسلمانلرینک امور اجتماعی لری ایله
عاجزانه اوغرا شوب کلدی کمندن و بخارادن جزایره قدر واقع اولان
سیاحتلر مده کی مشاهد لرم بنی بر طرفدن ، آیوس ، دیگر جهندن امید
وار ایدیوردی . اک ابتدا کوزیمه چاربان حال - مسلمانلرک هر
اقلیمده و هر تورلی اصول اداره تحتند بر درجه کرده و آشایده
قالدقاری ایدی . .

اک آخر اک مستبد بر اداره نک سوء تأثیرینه غلبه ایدرک ارمی ،
یهودی کبی بعض اقوامک اولدقجه حرکتی ، ترقیسی کوریلور ؛
یکرمی اوتوز سنلردن برو مشروطه لی یاکه اولدقجه حریر اداره یه
تابع اوله رق استفاده ایدمیان ، متأثر اولمیان مسلمانلردر . اوتوز
سنه ظرفنده بلغارلر قرق آدیم ایلرو کیتدی لرسه بلغاریا مسلمانلری
رجعت دیمک اولان هجرت فکرنندن باشقه بر فکر تولید ایدم دیلر .
مصرک قبطلاری تمدن ایدیور ؛ فلاحلری حالا باش آچیق یالین آیاق
کزیورلر . جزایر یهودیلری فرانسه نک مالیه نظارتنه ال اوزاتیورلر ؛
جزایر عربلری ایسه راحت و سعادتی یالکز خرما دالنده ودوه
آیاغنده کوزلیورلر .

بوکون کاشغرلی ، بخارالی ، مغربلی ، جاوالی یوز مسلمان بر آرایه
کلورسه جمله سی سپرماچت مومی کبی بر قالدیه دوکلدکاری ؛ فکر ، مطلب
حرکت اعتباریله بر درجه فکرسز ، مطلبسز ، حرکتسز بولندقلری

کوریله جکدر . مایوس ایدن بوحالدر . فقط بومایوسیه قارشو اوزونجه عملیات و تجربه لردن حاصل ایتدیکم اعتقاد اجتماعیهم محرک بولنورسه مت تحریک ایدلمز درجه ده دکادر ؛ بنده لرینه امید ویرن جهت ده بودر .

بوعتقادمه بناء خلی استعمال اولمش « ملت مرحومه » نام و تعمیر مخصوصنی برتورلی قبول ایده میورم . ملت غافله ، ملت مظالمه دیک دهها دوعری اولور ظننده میم . غفلت و ظلم کجوجی حالدرندر ؛ بونلر ایله مجادله انسانلرک اختیارنده و اقتدارنده در .

قونفرانسه هر صنف و حزبدن سامعین بولندینی کی مؤتمرک تدارکات قومیسینونه انتخاب اولنالر آره سنده هر حزبدن قومیسینونده اعضا موجوددر . عمومی مؤتمر اسلامی هر تورلی حزبیلکدن پارتیزانلقدن خارج زیوکسک طوتملق لازم کلدیکنی بتون مصریلر کوزل ییلوب افکار عاجزانهمک انتشارینه خلوصه جالیشوب بنده لرینی منتدار ایتدیلر .

قونفرانسدن اون بش کون صوکره تدارکات قومیسینونه بش اون اعضا دهها اشتراک ایدوب ایشک ایلروسنه مباشرت ایدلدی . برطرفدن مسافرلکمه حرمت ، دیگر طرفدن عرض ایتدیکم افکاره اشتراک ضمننده بر آقشام مصرک منوران قلوبنده آوقات عمر لطفی بک ریاستنده بنده لرینه جای ضیافتی تقدیم ایدیلوب مصرک منور کنجلی ایله آشنا اولدم ؛ دیگر آقشام نیل مبارک کنارنده « سمیرامیس » اولتنده مصطفی کامل پاشا ریاستنده یوز کشیلک بانکت ویریلور . وطنیون مصر حزبنک ارکانی ایله آشنا اولوب تشرف ایتدم .

مصرده مؤتمر اسلامی اجتماعی تصور اولندینی حالده خدیو حضرتلرینه ایشی صورت مخصوصده عرض ایتکم و قویاً مأمول ایتدیکم رضاسنی آلمق اقتضای نزاکت ایهده قونفره تصورنده هیچ برتورلی رسمیت اولدینی دوست و اغیاره ده کوزل کوسترمک اوزره بیوک قبولدن ایجرویه کیرمک ایستزدم . معذور بیورلمشدر . آنجق روسیه منستری ایله کوریشوب قریمه دوندم . یول اوستی درسمادنده ایکی کون قالب اجزای دولت علیه دن بولنان مصرده مؤتمر اسلامی تدارک اولندینی مباشر صفتیه یلدره خبر ویردم . بومناسبت ایله مکاتب عسکریه مفتشی یاور اسماعیل پاشا ایله کوریشلدی ایکی ساعت سویلدم ؛ فقط افکارمی آکلاتمدم ؛ ایجرییه یا کلش خبر ایدلامسی ایچون برابر مزده بولنان سرای مأمورلردن نرمی افندی به دیدکرمی قلمه آلدیروب پاشایه ویردم ؛ چوق ممنون اولدی . چونکه مسلمان قونفره سی کی هیچ مأمول اولیان برایشک شفاهاً عرضندن قورتلمش بولندی .

معروضاتم جمله غزته لده درج ایدلمش معلوماتدن عبارت ایهده مقامه حرمة ادای نزاکتدن اوتری لازم کورلمشدی . آرقه مده

فلی شایقه لی کنز ییلر بولندیغدن دوست و آشنالری زیارتم ایله راحتسز ایتیه رک قریمه کچدم .

بر آی قدر باغچه سرایده قالب تکرار مصره یوللاندیم . یوقاروده مذکور قومیسینندن اون ایکی آدم انتخاب اولوب مؤتمرک « هیئت تأسیسیه سنی » تشکیل ایله قونفره نظامنامه سی ترتیب اولنیوردی . هیئتک بر ایکی مجلسنده حاضر بولوب قونفره نک صورت تدارکی و دعوتی ماده لرینک مشاوره سینه اشتراک و اوتندن برو آکلاشلش معلوماته نظراً بعض بیوک آدملر ایله کوریشوب قونفره ایشنی رسماً عرض و بیان لروم حس ایتدم ؛ بوندن بویله فخامتلو خدیو عباس پاشا و غازی احمد مختار پاشا ، روسیه منستری جناب سمیر نوف ؛ فرانسه منستری نک ترجانی و انکاتره منستری . الدون غورست ایله کوریشلدی . خدیو عباس حامی پاشایه عرض ایتدیکم صورتده مؤتمری مقبول و نافع کوردیلر . دولتلو غازی مختار پاشا تشبثک کوزل اولدینی سویله مک ایله برابر ییلدرجه خوف ایدیلرک ممانعت ایدلمک احتمالی آکلاتدی . مواد مدنییه واجتماعیه دن مذاکره ایدجه ک قونفره یه روسیه ، فرانسه و انکاتره حکومتلری مانع اولیه جقلری بر درجه معلوم اولدی و قونفره اجتماعی ایچون مصر القاهره نک اوپراتیاتروسی کوستریله جکی آکلاشلدی . سرالدون غورست ایله اوزونجه سویاشلدی :

— وعدکزه اعتماد ایدیورم تصور ایتدیکم کز قونفره سیاسیا ته کیرشمز فقط صوکره سیاسی برصفت آلامازی ؟ دیدی .
— افندم اوله بیلور که ایلروده مسلمان قونفره لری بوکون قرارلشدیریلان حدوددن چیقار ؛ فقط بلکده چیمماز ... بوراسی بنده کزجه معلوم دکادر ؛ بناء علیه کله جک زمانلره کفیل دکم واوله . مام ، عرض ایتدکرم برنجی قونفره یه مخصوصدر ؛ بوکون اولدینی کی کله جکده دخی حکومت و نظارت خارجنده دعوت و انعقاد ممکن اوله میه جفته کوره بنده کز بو جهندن خوف ایتیمورم دیدم .

منستر بو سوزمی موافق کوردی و انکاتره جانبندن قونفره یه ممانعت ایدلمه جکنی آچیق بیان بیوردی .

— هندستانده قونفره افکارینک انتشارینه و واقع اوله جق دعوته حکومت محلیه جه ممانعت ایدلمزی عجباً ؟ دیدم .

بو خصوصده قطعی بر جواب ویردم . فقط انکاتره اداره سی هریرده حریته مستند اولدیغدن مسائل مدنییه واجتماعیه دن باحث اجتماعه ، قونفره یه ممانعت ایدلمز ظن ایدرم ، دیدی .

هرنصل ایسه لجه تأسیسیه برنجی قونفره نک نظامنامه سی عربجه ترکیه ، فارسیجه ، انکلیزجه و فرانسیزجه طبع و نشر ایله هیئت مؤسسه نک رئیس عالیسی جانبندن اشبو اعلان نامه (اوزمانک حالته کوره عثمانلی غزته لردن ماعدا) اکثر اسلام و برچوق غیر اسلام غزته لرنده اعلان ایدلدی .